

按酉下缺字據劉氏長曆四月朔癸丑則酉下當爲四字

史祐孝墓表 專二一

遷交河郡口曹史

按曹上當爲功字史當作吏功曹吏高昌官名又見張買得墓表

索守猪妻賈氏墓表 專二三

歲添聚皆望舒建於實浣

按聚皆當作姬皆卽爲丁亥浣卽沈字之譌實沈爲孟夏四月

窳口口文表於暮口

按窳爲靈之俗字凡墓表中靈均作窳下疑爲柩塋二字暮當作墓下爲也字

張阿口墓表 專二六

延昌十二年歲添壽星望舒建於星記下旬九日日維丙辰

按延昌十二年卽周建德元年壽星當爲壬辰星記卽十一月以丙辰日支推至月朔當爲己亥專二七索守